

Dumonda da la fracziun dal Center concernent las consequenzas da l'imposiziun da taglia individuala per ils pajataglias (emprim sutsegnader Brunold)

Ils 8 da mars 2026 han las votantas ed ils votants da la Svizra decidì d'introducìr l'imposiziun da taglia individuala sin plaun naziunal e chantunal. Las votantas ed ils votants dal Grischun han percenter refusà cleramain d'introducìr l'imposiziun da taglia individuala. La critica che la majoritad da las votantas e dals votants dal Grischun ha exprimì, sto vegnir respectada e resguardada commensuradamain en il rom dal process legislativ che suonda ussa.

La concepziun concreta da l'imposiziun da taglia individuala sin plaun chantunal vegn ad esser decisiva per la moda e maniera, co che la grevezza fiscala sa mida per las differentas gruppas da la populaziun. Sut quest aspect èsi central da stgaffir a temp trasparenza davart las consequenzas per ils pajataglias.

Las sutsegnadras ed ils sutsegnaders supplitgeschan la Regenza da responder las suandantas dumondas:

1. Cun tge grevezzas summaricas pli grondas e pli pitschnas èsi da far quint suenter l'introducziun da l'imposiziun da taglia individuala per ils differentes tips da chasadas (particularmain conjugals cun in'activitad da gudogn simpla e tals cun in'activitad da gudogn dubla, famiglias cun uffants, persunas che vivan sulettas sco er persunas pensiunadas)?
2. Quants pajataglias en il chantun Grischun fissan tut en tut pertutgads d'ina grevezza fiscala pli gronda, supponind che sin plaun chantunal na vegnian fatgas naginas ulteriuras midadas che quellas ch'èn prescrittas da la Confederaziun?

Cuira, ils 23 d'avrigl 2026

Brunold, Maissen, Bettinaglio, Bergamin, Berther, Binkert, Caluori, Collenberg, Danuser (Cazas), Derungs (Lumbrein), Epp, Furger, Gansner, Haltiner, Kohler, Lamprecht, Loepfe, Mani, Messmer-Blumer, Michael (Donat), Orlik, Righetti, Said Bucher, Sax, Schneider, Spagnolatti, Tomaschett (Breil), Ulber, Zanetti (Sent), Zanetti Livio (Landquart), Zanetti Marion (Landquart)